

RESOLUCIÓN DE ALCALDÍA

Co fin de continuar na senda de facilitar a conciliación laboral e familiar durante os períodos non lectivos, neste caso na semana santa, resulta necesario aprobar as bases reguladoras do Programa + Concilia Abril 2025, así como os modelos de solicitude que os interesados deberán utilizar para a súa inscrición no mesmo.

Revisáronse ditas bases e documentación e consideráse que reúnen todos os requisitos legais e cumpren coas normativas de aplicación.

Conforme ás competencias atribuídas a esta alcaldía pola Lei de Bases de Réxime Local, **RESOLVO:**

Primeiro.- Aprobar as bases reguladoras do Programa + Concilia Abril 2025, co seguinte contido:

“BASES REGULADORAS +CONCILIA ABRIL

PROGRAMA +CONCILIA BARREIROS

Artigo 1. Obxecto e ámbito de aplicación.

As presentes bases teñen por obxecto regular o proceso de selección para a participación nas actividades de conciliación das vacacións de Semana Santa, favorecendo a conciliación familiar na época de períodos non lectivos.

Artigo 2. Persoas destinatarias.

As actividades están dirixidas a crianzas nadas do 01/01/2013 ao 31/12/2021.

Artigo 3. Datás de celebración e localización das actividades.

+Concilia Abril desenvolverase nos días laborais comprendidos entre o 14 e o 21 de Abril (ambos incluídos).

As actividades serán no CEIP San Cosme de Barreiros, aínda que de forma puntual e atendendo ao requirimento das actividades programadas poderase facer uso doutros espazos ou instalacións próximas no termo municipal (comunicándoo ás familias coa suficiente antelación e coa ubicación exacta).

Artigo 4. Horario.

O horario será de 9:30h. a 13:30 h., nos días laborais do período sinalado anteriormente (14 ao 21 de Abril).

Para aquelas familias que por motivo exclusivo de conciliación precisen traer aos/ás seus/súas fillos/as antes do comezo do campamento, ampliase o horario de entrada de



9:00 a 9:30, neste tempo as crianzas serán custodiadas e vixiadas pero non terán actividades programadas.

Artigo 5. Prazas ofertadas.

Ofértase un total de 50 prazas.

Aínda que queden prazas libres non se admitirán novas incorporacións á actividade unha vez iniciada a mesma.

Artigo 6. Baixas e renuncias á praza adxudicada.

No caso de desexar formalizar a baixa dunha crianza, comunicarse no rexistro do Concello de Barreiros por escrito. So se procederá á devolución da taxa, tras solicitude, se a baixa se formaliza previo ao inicio da actividade +Concilia Abril. Unha vez iniciada a actividade non se procederá á devolución da taxa por baixa dunha crianza, asista ou non ás actividades.

Naqueles casos nos que algunha das crianzas admitidas non asista ás actividades durante dous días seguidos e a familia non comunique a súa ausencia, o concello comunicarlle telefonicamente a baixa de oficio do programa, cubrindo dita praza coas persoas da lista de agarda (de existir). Neste caso non se procedera á devolución das taxas abonadas.

No caso de detectarse incumplimento das normas de funcionamento e convivencia conlevará a baixa de oficio das actividades +Concilia deste período de Abril. De tratarse dunha situación grave contra as normas de convivencia e/ou funcionamento, suporá a non participación no resto de actividades +Concilia 2025.

Artigo 7. Taxa.

Esta actividade está conleva o pago dunha taxa:

- 5 euros para crianzas censadas no Concello de Barreiros.
- 20 euros para crianzas non censadas no Concello de Barreiros.

Exención de taxa para aqueles casos de crianzas empadroadas que así se valoren dende os Servizos Sociais do Concello. No caso de que a persoa solicitante considere que pola súa escaseza de recursos ou dificultades económicas ten que acollerse á exención de taxa, deberá solicitar cita previa con Servizos Sociais para que valoren a situación de vulnerabilidade.

No caso de ser chamada unha crianza da lista de agarda ou incorporarse por existencia de prazas libres (tras consulta coa persoa técnica responsable), deberase aboar a taxa completa da actividade.

Artigo 8. Perfil e criterios de selección das persoas destinatarias.





8.1.- Para a selección dos participantes terase en conta o nivel de renda familiar, as cargas familiares das persoas solicitantes, as mulleres solicitantes vítimas de violencia de xénero en todas as súas manifestacións, as familias monoparentais e monomarentais, a situación laboral dos proxenitores que se atopen a cargo da crianza e o empadramento do/da participante.

Se na actividade hai máis solicitudes que prazas dispoñibles, establecerase o seguinte baremo para a selección das persoas destinatarias:

- Empadramento no Concello de Barreiros, a data anterior ao 01 de xaneiro do 2025: **30 puntos**
- Algún dos proxenitores da crianza non censada que traballa nunha empresa con sede fiscal no Concello de Barreiros ou crianza non censada que asiste a un CEIP da localidade (CEIP San Cosme de Barreiros ou CEIP San Miguel de Reinante): **10 puntos**
- Traballan os dous/dúas proxenitores/ras ou titores/as legais: **9 puntos.**
- Traballa un/unha só/soa dos/das proxenitores/ras ou titores legais: **8 puntos.**
- Familias monomarentais e monoparentais: **7 puntos**
- Nai ou titora legal solicitante vítima de violencia de xénero: **6 puntos**
- Nivel de renda, atendendo aos seguintes rangos. **Máximo 5 puntos.**
 - Renda anual neta per cápita igual ou inferior a 7.000. **5 puntos**
 - Renda anual neta per cápita 7.000,01 a 8.000 €. **4 puntos**
 - Renda anual neta per cápita 8.000,01 a 9.000 €. **3 puntos**
 - Renda anual neta per cápita superior a 9.000€. **2 puntos**
- Familias con título de familia numerosa: **1 punto**

Nos casos de empates, estes resolveranse por orde de rexistro de entrada da solicitude.

8.2.- Para os efectos de baremación, a renda familiar anual neta per cápita obterase da agregación das rendas do ano 2023, de cada un dos membros da unidade familiar, calculadas así:

- Primeiro: sumarase a base imponible xeral coa base imponible do aforro, excluíndose os saldos netos negativos de ganancias e perdas patrimoniais correspondentes aos exercicios anteriores.
- Segundo: deste resultado restarase a cota líquida resultante da autoliquidación.
- Terceiro: o importe obtido dividirase entre o número de membros que compoñen a unidade familiar.

Este cálculo efectuarase coa seguinte fórmula: casilla 435 + casilla 460 – casilla 595. O total desta operación, será dividido polo número de membros da unidade familiar.

Artigo 9. Presentación de documentación.

As persoas interesadas deberán achegar a solicitude de admisión, que será a declaración responsable sobre a documentación e situacións familiares tidas en conta no baremo (Anexo I). Non se admitirá ningunha solicitude presentada nun modelo diferente ao oficial facilitado pola entidade organizadora (Concello de Barreiros).





A información que non estea cuberta na propia solicitude non se terá en conta para o baremo, valorándose ese aspecto con 0 puntos. Non admitindo entrega nin enmenda fóra de prazo (incluído o prazo de alegacións) de datos a cubrir na declaración xurada da solicitude (Anexo I) que afecte á baremación.

O Concello de Barreiros poderá requirir aleatoriamente a documentación acreditativa manifestada na declaración responsable coa finalidade de comprobar os datos, así mesmo poderá facer as comprobacións oportunas no caso de presentar alegacións e/ou reclamacións por parte doutra ou outras unidades familiares.

No caso de detectarse algunha falsidade na declaración presentada, a crianza quedará automaticamente excluída das actividades +Concilia Abril organizadas polo Concello de Barreiros.

Toda solicitude presentada fóra de prazo ou noutro lugar dos indicados nas presentes bases, será excluída da reserva da praza.

Unha vez publicada a listaxe definitiva de crianzas admitidas e no prazo de dous días (10 e 11 de abril), as persoas solicitantes de +Concilia Abril deberán realizar o pago correspondente da taxa que conleva a actividade e cubrir o Anexo II. No caso de non presentar dita documentación, enténdese que renuncia á praza asignada.

Deberá facerse unha *transferencia por cada crianza*, indicando o nome da mesma e o pago da actividade +Concilia Abril: Entidade bancaria: ABANCA
Nº Conta para o ingreso: ES55 2080 0142 9031 1000 0019

Artigo 10. Trámites e prazos.

Todos os trámites realizaranse nas oficinas municipais, de 9:30 h. a 14:00 h., ou a través da sede electrónica do Concello de Barreiros ata ás 14:00 h. do último día do prazo correspondente. Os prazos son os seguintes:

- Solicitude: Dende a publicación destas bases ata o 2 de abril.
- Publicación da lista provisional de admitidos/as en cada quenda: 4 de abril.
- Reclamacións: 7 e 8 de abril.
- Publicación da lista definitiva de admitidos/as: 9 de abril.
- Pago de taxa, presentación do xustificante e Anexo II: 10 e 11 de abril

Entenderase formalizada a incrición nas actividades +Concilia Abril tras a presentación do xustificante bancario de pago da taxa correspondente no Concello de Barreiros e o anexo II debidamente cuberto (nas oficinas municipais, de 9:30 h. a 14:00 h., ou a través da sede electrónica do Concello de Barreiros ata ás 14:00 h. do último día do prazo correspondente).”

Segundo.- Aprobar os modelos de solicitude de inscrición e de formalización da matrícula. Os modelos poderán ser modificados posteriormente, si fose necesario, por resolución de alcaldía para axilizar o procedemento.





CONCELLO DE
BARREIROS

Terceiro.- Iniciar os trámites de información e publicidade das bases para poder iniciar o prazo de presentación de solicitudes o antes posible.

ASINADA DIXITALMENTE Á MARXE

